

محراب

افہرقی ، اجتماعی ، فلسفی ، تاریخی ، ادبی مجموعہ در
شیمدیلک اون بش کوندہ نشر اولنور

مذہبات

- سرور . **جبلیفی صبا جبر** محمد امین **۱۱۱**
 قازیمیریسکینک فرانسزجہ قرآن ترجمہ سندہ کی قرق قدر یا کلشارک تصحیحی . . . محمد حبیل **۱۱۱**
 ترجمہ لر حقندہ ایضاحات رشید **۱۱۱**
 علم دشمنلخی حسن عالی **۱۱۱**
 اورتا آسیادہ تورکمن « تورکمنلرک دینی » علمی ضیاء **۱۱۱**
 حی بن یقظان « ابن طفیل » رشید **۱۱۱**
 سراب : قدریہ حسین — شرقی : ملیحہ نوری — معبد عشق : محی الدین رائف — سیرال **۱۱۱**
 طاہر حریمی — لیلاک ایزلرندہ : شرف کاظم — تہلکہ : مراد توفیق — گیرہ سوندہ شایان **۱۱۱**
 امتثال بر فعالیت .

علم دوشمانلغی

مملکتده ، وسیله بولوبده میدانہ چیقامایان بر تلمقی وار . او قدر بدیہی و عمومی بر عقیدہ یہ تقابل ایدیورکہ شفاهی صورتده دوداقلر آراسندن چیقان بو اعترافی نشرہ ، ادعاہیہ ہیچ کیمنہ جسارت ایدہ میور . ملتک عرفان حیاتنده کی نقصانلری حالی بر فعالیتلہ آتامہ چالیشیرلرکن اوکا ضد اولان نقطہ نظرلرک علناً سردینہ البتہ امکان اولامیہ جقدر . فقط شیمدی عرض ایدہ حکم شکلدہ بویله منفی بر تلمقی واردر و منورلرک بوندن خبردار اولماسی ؛ اوکا کورہ خطالرینی تصحیح ، دوغرو جهتلرینی مدافعه ایتمسی لازمدر .

دینیلیورکہ :

— حیاتنده موفق اولمق ایچون البتہ قارا جاهل اولماق ایجاب ایدر . فقط جهلک ازالہ ایدیله بیله جکی اویله بر نقطہ واردرکہ اونک او بر طرفنه کچوب قارا قابلی کتابلرک ایچریسنہ دالمق انسانی حرکاتنده شہہ لی ، موسوس وارادہ سز یاپار . ارادہ سزک انسان ایچون اک بویوک ضعفدر . بونک نتیجہ سندنده محاکمہ خاستالانیر ، سریع قرارلر و برمک ممکن اولماز ؛ بویله اولان انسانده حیاتده ہیچ بر ایش یاپاماز .

فضله علم مادمکہ بزی حقیقی حیاتندن تجرید ایدیور ؛ او حالده موفقیت ایچون بوندن کندمزنی قورتارمالی یز . ذکا و ذکایہ معیار اولمق ایچون بزه قورو و کتابی معلومات لازم دکل ، سادہ جہ عقل سلیم کافیدر . فکرلرینی تعمیق ایدن ، اونلرک اک اینجہ رابطہ لرینی بولمایہ چالیشان بر آدمک حیات ایچون مقتضی هر واسطه دن محروم اولماسی بر ضرورتدر . بویله انسانلرک عاقبتی ، یاشامق وسیله سی بولامادیغندن دولایی سورونمک و ثولمکدر . بز نسل حاضر ی بواقبتدن منزہ کورمک ایسته یورز . مسندمن کتاب دکل ، عقل سلیمدر . آز او قومق ، فایدالی او قومق . آز بیلیمک ، چوق یایمق ! . . .

« سزده بو فکرده میسکیز ؟ » دییه عمومی بر استمزاج یاپیلسه ظن ایدیورمکہ بوجاذب دعواہیہ چوغمز بلاقید و شرط مثبت جوابی ویرجکیز . چونکہ هر هانکی بر مسئله یی تعمیق ایتمک ، اوزرنده حیاتی افناہیہ مجبور اولمق البتہ برفدا کارلقدردر . راحتندن ، حضورندن محروم اولمق ایچون هر شیدن اول سوق طبعیلرمنزک مخالفتنه معروض قاله جغز . اوبزه دییه جک کہ « نیچون بو قدر چالیشیورسک ؛ آنکده کی چیز کیلرک عددی کون کچدکجه آرتییور . کوزلرک اطرافنده حاصل اولان کولکه لرک آلتی ، کندک کی سکز اون

بیچاره نك علیل «روحی باریندیره جق قدر چوغالدى . شاقاقلر كده کی كیكلری آینه یه باقوبده نه حاله كمش ، بر كورسه ك . . . سنكه قونوشمق دردلشمك ایسته یین حیات آرقداشك ، كتابك اوسته ا کیلن باشی سعادتی ایچون بر قاف داغی عد ایدیور . سهویشمك ، ا كلنمك دورور كن نه در بودالمق . . . دماغكك صرف ایده جکی قانی قازانمقدن عاجز بر زواللی اولدیغکی اونوتیورمیسك ؛ بو قدر چالیشمايه بو چوزوك وجود كفایت ایدرمی ؟ توله جكسك ؛ واز كچ بوسودادن یمكه ، ایچمه كه باق»

بونصیحتلر حیاتمك اساسی ، بنیاتی تشکیل ایدن طبیعی سوقلرك ، عزیزلرمك شكایتی در . اك چوق اطاعت ایتدیكمز سوق طبعیلدر كه بزى بوفكری فعالیت بادره سندن قورنارمغه چالیشیر . بوسسلری دیوبده اوکا منقاد اولمایانلر حال حاضرده وتاریخده آنجق عددی محدود ممتاز سیالره منحصر دكیدر ؛ اوحالده بو امرلره اكثرمن اتباع ایده جكیز وبوتهلكلی فعالیت یولندن وازكچه جكیز . . .

*
* *

ایشته اظهار ایدیلنه یین تلقی واونك جانلی دلیللری ! . . . شیمدی بودعوانك دوغرو ویا كلش جهتلرینی آرامق لازم کایور . چونكه مسئله علی العاده بر کون مسئله سی دکل ، مملکتك بوتون حیاته ساری وتأثری بك کسکین برتسمم حادثه سیدر . اکر بو اعدادن مقصد ، معارفزده موجود اولان مرض ، یعنی حیاتك عرفانه اولان علاقه سزلغی ایسه حقیقه بو نقطه ده مملکتك منورلری اندیشه ایله دوشونمكه مجبوردر . بو کون یکی قورولش بر شکل دولته تحقیق اخص آملار اولان برمفكوره نك دوامی ایسته یورسه ك پشیناً قبول ایتلی بركه معارف مؤسسائمز مستقبل نسله بو روحی ویره بیله جك حالده دکلدر . بزده مکتب ، تورفاندا میوه یتیشدیره ن بر (سهره) در . جغرافیا او قوتورز ؛ مملکتمز بیلمه دن . . . تاریخ او قوتورز ؛ کندی تاریخمز هنوز مجهولدر . ادبیات او قوتورز ؛ اثر سز . . . کیمیا او قوتورز ؛ تطبیقات سز . نباتات او کره تیر ؛ مایدانوزی طابینه مایز . حیوانات او قوتورز ؛ اومزده کی کدینك قاچ سنه یاشادیغنی بیلمه یز . . . الخ . . . یالانمی ؟ . . . مکتبلر مزدن چیقوبده اون بش سنه لك مدید بر تحصیل ائناسنده بر اجنبی لسانتی - خارجه کی سبی ذاتیسی انضمام ایتمه دن - او کره نمش آرامزده قاچ کشی وار ؟ مقاله مقاله هندسه دعوالرینی او قویانلر مز آراسنده قومشوسنك باغچه سنی مساحه ایده بیله جك چوق آدام طانیما یورم .

تعلیم خصوصاً حال بویاده تربیه مسئله سی دهای دوز کون ؟ بو کون عرفان مملکتی اداره صلاحیتی فعلاً ، فکر آ ، قلماً کندیشنده کوزه نلرک قاجی ، معین بر تربیه مفکوره سنک داء الصلاهی دویویور ؟ غرب مدینتک تمثلی لازمکلیدیکنی سویله نلر عجباً تعین ایتمشلمی که - آلمانلر کی ، انکلر لر کی فرانسلر لر کی می اولاجغز . یا خود بونلرک هیچ ریسنه بکنزه میه جکنز ؟ آنجق کندمز کی اولاجغز - ... او خالده (کندمز) نه یز ؟ ... بو کون : آناتولینک اتنوغرافیاسنی بیلمه یورز ، جغرافیاسنی بیلمه یورز ؛ تاریخی مجهول ؛ هله ملتیزک روحیات واجتماعیاتی حقنده تک فکر مز یوق ... بیلیمنه یز برشأیتک اصلاحنه امکان وار میدر ؟ ... اکر (علمه دوشمانلق) دن مقصد بو درلو فایداسز ، عملسز ، تطبیقاتسز ، برکله ایله ، حیاتسز علم ایسه بن ده علم دوشمانیم . البته اراده سی ضعفه اوغرامامش بر انسان ، کتاب قاره لرندن ده ا قیمتلی بر وجوددر . فقط حقیقی علم بودکل ، حقیقی تعلیم و تربیه بودکلدر . عقل سلیم ، آنجق امور عادیده بر معیار اولابیلیر . هر ذکی آدم ، بر دولت بودجه سی یاپاماز ؛ هر عقل سلیم صاحبی انسان مثلاً بر معارف پروغرامی وجوده کتیره مز ؛ هر اراده لی آدم بر اردویی س-وق و اداره ایده مز ... شیمدی یه قدر ایدیش تجریه لری تکرار تجریه ایتمک حماقت اولور . بوندن قور تولق ایچون آنجق بریول واردر : بیلیمک ...

اولیه بیلیمک که او بیلیمکی حیاتدن چیقسین و حیاته کیره بیلسین . حیات عامه و عقل سلیم آنجق بوسایده انکشاف ایده بیلیر . علی الاطلاق علم دوشمانلغی ؛ حیات دوشمانلغی و ثولوم دوستلغیدر . علم ، ساده جه اوقومق ، یازمق دکلدر . علم حادثاتی کوره بیلیمک ، آرالرنده کی قانونلری کشف ایتمک و او حادثه لرک موضوعی اولان ماده لری بوصورتله ضبط و تسخیر ایتمکدر . ملتیزی مسعود ایتمک ایسته یورسه ق ؛ ملتیزی ماضیسیله ، حالیه طایبق لازمدر . مجهولک سعادت ایچون چالیشمق ، حاوانده صو دوکمک کیدر . حال حاضرده کی علم دوشمانلغی ، حیاته مفید اولمایان بیلیمکیلره قارشیی بر عکس العمل عد ایدیورم . بو عکس العملاردن استفاده ایسه آنجق حقیقی علمی تأسیسی واحیا ایله اولور . یوزمزی قیزارتارق اعتراف ایده لم که بو درلو علم ، مملکتتمزده هنوز دوغرامش بر رشیم حالنده در . تولد آماره لرینی آنجق حقیقی علم منتسبلرینی - شارلاتانلری دکل - حمایه وصیانت ایتمک صورتیه تحقق ایتدیره بیله جکنز .